

清代宦臺人文獻選編 第五種

斯未信齋全集

(四)

徐宗幹 撰

軍事卷一

所未信齋文編

軍書一

福建

上王春巖制軍書

五

寄慶正軒方伯書

答曾輯五參戎書

寄邵捷軒總戎書

與臺屬紳耆書

附示諭

論粵民

論閩粵紳士

與將備書

諭官兵

以上臺裔

復春巖制軍書

附條陳

致提鎮書

寄東紫來將軍書

寄各司道書

寄黃生夢周書

論各營隊長

論漳屬各社長

寄陳頌南侍御書

寄莊牧亭部曹書

復保慎齋觀察書


寄泉州馬小峯太守書

寄漳州張海春太守書

復陳頌南侍御書

寄史蘭舫廉訪書

寄齡友山觀察書



軍書一

南通州徐宗幹伯楨

上王春巖制軍書

竊臺地各官衝冒風濤耐受瘴癘人心浮動時有變亂捧檄而
來與投効河工軍營無異其出力當差無非望其保薦得進一
階某等亦藉此駕馭以資指臂之助是以遇事酌獎冀其各知
奮勉以安地方而非爲見好屬僚之實情也內地重洋遠隔刻
刻以遇有事端兵餉不能接應爲慮全恃紳商士民同心合力
卽有匪徒蠢動易以殲除經費短絀犒賞無資唯恃獎勸之一
法海外士民遇事喜功競相誇耀卽不必優加甄叙但得附名
薦牘上達

天庭不勝鼓舞歡欣願供驅策此又遇有辦理重案不得不備

列多人之實在緣由也此次逆匪倡亂蔓延一府三縣雖未及三月漸已平定而南北分剿水陸兼防兼以安撫難民搜捕餘匪至半年之久需用兵費口糧設法籌借至數十萬兩之多即文武員弁亦有自墊己資或協同借貸現在無款撥還多係窮員又未能以捐輸開報其艱難困苦不但從軍出力之勞而一切棘手情形實倍蓰於從前之厯辦軍務自在洞鑒之中某等業將摺單繕備正擬拜發欽奉

上諭到臺謹錄稿並求核正擬 奏容另具稟申送備案以免稽延現值用人喫緊之時伏祈俯照原請聲叙俾在事人員早沐恩施倍加奮勉地方幸甚

上春嚴制軍書二

再原任知府銜淡水廳同知史密前奉

旨撤回省城察看嗣因該員聞訃丁憂卽請勒令休致毋庸再行察看奏奉

諭旨欽遵在案該員因患病甫痊尙未回籍自軍興以後襄辦局務及逆匪攻撲郡城日夜協同守禦嗣聞賊焰益張自備壯勇籌借口糧馳往軍營隨同進剿分兵直搗賊營焚燬巢穴殲擒偽帥及股首多人凱撤回郡仍幫辦防冬事宜該員在臺熟悉情形團練壯勇勸辦捐輸尤爲得力現雖年逾六旬當其隨營露處衝風冒雨越嶺過溪精力尤爲強健在該員倡義急公並非希求起用但久經罷斥人員奮勉任事未便稍拘成見置之不議查該員自帶壯勇皆捐資招募擬會同臺屬團練捐輸各官紳人等由臺彙奏請俟服闋後賞戴花翎可否仰懇暫准留臺差遣以資熟手伏祈鈞示

上春嚴制軍書三

竊臺地自本年四五月間南北匪徒倡亂軍餉不濟督同臺灣府裕守調遣丁勇激勵士民分投防剿一面派令紳衿家丁先後飛渡叩謁崇轅面稟一切諒已均蒙垂鑒查歷來臺匪謀逆如道光十二年間張丙等滋事其時府庫充盈地方富裕尙賴內地調兵撥餉

欽使同前憲渡臺剿辦此次省會上下游會匪滋亂不克兼顧而地方匪徒亦以內無應援糧餉匱乏日肆鴟張臺鳳嘉三處賊匪遍地同時並起疊攻郡城勢極危急恒鎮帶兵出城駐紮中路多日職道同裕守勸諭閭郡士民登陴竭力保固一面與在局印委各員籌撥餉銀派委文武員弁先往南路剿捕幸賴憲威未幾而郡圍解散鳳山亦即克復北路未靖復飭臺防同

知洪丞前淡水同知史丞督帶屯兵義勇隨同恒鎮專顧北征
並在地紳民義首團練鄉勇幫同剿捕數月之內渠魁先後伏
誅地方漸就肅清唯各營兵丁平日恣悍已久本年大餉未到
念其戰守出力多方安撫雖設法籌借墊應究不能依時照數
散放該營員向被挾制未能鈐束動輒生事肆無忌憚甚至十
二月初五日辰刻各營兵丁四五百名先入府署索討餉銀當
經祿守諭以省餉不到無可設法衆兵出言頂撞該府即欲將
印信封固繼送道署各兵隨即蜂擁至署磨將花廳門窗任意
打毀初不知其何事及出坐二堂查詢始悉前由該兵人數衆
多喧嚷騰沸難以理論經文武員弁解勸散去恒鎮及來臺查
辦軍務之邵副將署安平協郭副將署中營夏遊擊代理城守
營倪守備來署適值臺灣府祿守前來轅印隨即邀同勘明被

其言行錄 宣
三
毀情形當據營員聲稱該兵面稱被壯勇用刀戳傷手腕等語查該兵丁四五百名闖然入署勢甚兇猛壯勇十餘人皆在內署並未出而抵拒查該兵中實有二三名手被劃傷者因其以拳擊窗爲玻璃割破現有血路可驗衆目共睹伏思各營兵丁素受

朝廷豢養之恩當軍興旁午卽餉銀未能依期散放自應仰體籌撥維艱之苦各營將備亦應隨時約束委爲勸諭乃一任兵丁開堂吵索擁衆毀署實屬不成事體且恐地方從此滋端不得不上瀆憲聽聞內地各屬均已安定合無仰懇憲節渡臺或遴委司道大員飛速東渡會同查究以肅營伍而整法紀此次軍務善後一切亦必須委員會辦聯道身膺重寄未能嚴加約束咎無可辭其勢亦難久任並乞奏參除移鎮飭營確查拿辦

並令臺灣府裕守照常供職外合肅馳稟 再內外七營其已
墊發洋銀二十五萬元有奇均係該府設法勸借支應現在內
營各兵每月每名給米三斗洋銀一元以資食用外營仍在設
法籌墊本年額餉未到於墊辦軍需外百計羅掘實已竭盡心
力乃各兵仍藉口索餉倚衆滋鬧甚至城內或互相械鬪致斃
人命或尋衅與居民鬪殺火器傷人郡城商民時時驚惶人人
憤恨 取道 同裕守又何法以養兵衛民之語再向籌借當此地
方多事之秋不應瑣瑣及此然正唯此時難以姑息內患不止
外患難除衆兵非盡頑徒根莠不芟嘉禾莫辨必欲執法從事
又似各挾偏見矣急切上陳伏唯慈鑒

上春嚴制軍書 四

敬稟者竊本年八月十九日據習鳳山縣知縣鄭元杰稟報是

月十七日未刻據該屬旗後港湧差具稟瞭有廣艇一隻自西北而來現在港外寄碇內有夷人數名等情該縣適在鄉查辦事件聞報立即馳赴隨僱小舟登船詰問據該夷頭目則臣聲稱向在廈門貿易與商民陳桂岱合造廣艇運販貨物因風帆不順暫來寄碇等語察看該艇帆桅一切與夷船畧同並無裝載違禁貨物亦非兵船所言在廈貿易似屬可信當以臺灣非通商之處諭令作速回帆並嚴禁在地居民私與交接該船旋於八月二十九日子刻起碇由西北駛去計守風旬餘並無登岸至十月十七日復據該署縣稟稱十月十五日申刻瞭有前來之廣艇同商船來港寄碇即經馳往查詢據稱商船販運米石因洋面不靖僱令護送但未奉明文亦無印照可驗察其情辭甚爲恭順並稱風色稍轉即行開駛各等由伏查外夷船隻

如遭風來臺自應照章撫卹今該船似夷非夷忽來忽往聲稱護送商艘採買米石似非飾詞查漳泉甫經平定素鮮蓋藏向須臺米接濟而臺地類價平減亦藉此得以流通際此海氛不靖商船不能不雇倩夷人駛船護送若竟行阻絕恐各商艘裹足不前臺地貨物不能懋遷交易商民皆困且內地米糧缺乏所關非細再思籌商惟有外示羈縻內加防範嚴飭各口岸禁止居民交接以冀相安無事是否有當謹肅稟陳

上春巖制軍書 五

竊上年八月十四日噶瑪蘭通判董正官會營剿捕梅洲賊匪中途遇害維時 編道 公出在鳳邑粵莊地方接報當即飛檄署頭圍縣丞即補府經歷縣丞本任興隆巡檢王衢暫行代理一面委令曾經署理該廳之本任澎湖通判楊承澤前往接署復

曾同恒鎮檄行該轄艦艍營參將黃進平督率弁兵尅期進剿並飭臺灣府裕守移會署淡水廳張啟煊督同勸捐委員候補縣丞黃體元等將紳士林國華捐項催繳撥運就近接濟軍糧以免遲誤業將大概情形先於途次附奏並錄稿申送在案公同後商同恒鎮添派署北路協參將曾玉明酌調兵丁并催楊粹雇備壯勇速往會辦去後旋探聞署縣丞王衢分防頭圍同其子王毓槐糾集壯丁數百人以鄉民陳壽等爲義首聯莊團練又向海口停泊米船暫借口糧支應各保義民聞風響應將賊巢焚燬斬馘多人城廂附近賊匪悉皆逃竄及接到代理委札鄉民數千人隨護進城到任數日後訪明暗爲賊謀假充義首曾經犯罪釋回之林汶英一犯爲此案禍魁該員不動聲色許以進見留於署中夜間出其不意手刃殺之次日知會文